

MUSICO ARUBIANO CU EXITO GRANDI NA INGLATERA

Drummer Agustin "Tichi" Ridderstap elogia pa Express & Star.

ORANJESTAD(AAN): E drummer Arubiano Agustin "Tichi" Ridderstap ta cosechando hopi exito na Inglatera actualmente y segun e revista Express & Star, "Tichi a logra concierto masha exitoso cu pupilonan di Heath Park".

Bao di e titulo "Titch's Big Beat With Young Players", e revista a menciona ci e concierto cu el a hinca den otro cu alumnonan di Heath Park High School.

Tichi, a bishita e school na Wolverhampton y durante diez siman a duna e muchanan les riba drum. Na final di e curso, e alumnonan a forma gruponan y a presenta un concierto final pa compañeronan, docentenan y familiaran cu a resulta den un concierto masha exitoso mes.

Riba e foto adhunto por mira Tichi na drum hunto cu e alumno Milton Pearson riba drum y para patras e musiconan Alex Griffin, Steven De Escofet, Courtney Hermans y Tony White.

Griffin y White tabata forma parti di Ned's Atomic Dustbin.

DRUMMER TICHI

Agustin "Tichi" Ridderstap ultimo 13 aña a haci giranan rond di Europa cu musiconan y bandanan grandi, traha den pelicula y haci gira cu circo. E tin awor 7 luna residencia na Wolverhampton na Inglatera.

Relato encuanto Tichi ta muestra cu e tabata alumno di Don Bosco school na Aruba y Universidad di Aruba, Universidad Habri di Hulanda unda el a studia den ramo di archeologia y filosofia, y ta domina Papiamentu, ingles, hulandes, spaño, portugues, aleman y Italiano.

El a haya su prome pasonan riba drum di maestro Panchito Bouaria na Holiday Inn cu a siña lesa y compone musica pa percusion y despues di dos aña el a sigui na Amsterdam cerca maestro Arend van de Staat un aña mas.

Den gruponan semi profesional cu el a toca na Hulanda tabata Snowflakes & Sunshine, Van Hagurt Experience, Dave Parry, The Soul Full y ademas hopi sesion cu bandanan na Merca, Canada y Europa.

El a duna clinica y workshop na Hulanda y a toca profesionalmente cu Time



Bandits, Nina Haagen, Candy Duffer, QB and the Blizzards, Pretty Thins, Iron Maiden, Herman Brood, Mother Finest, Fergal Sharkey, Transport Bandits, y a haci giranan cu circo Boltini na Hulanda y Bel-

gica, Johnny Lion & Rob de Nijs, Ferry Griniard, mientras cu el a actua den peliculan Bloody Saturday, Sweet Dreams, Waiting for Mr. Cohen y Destination Death.

Na Wolverhampton e ta

dunando les actualmente na muchanan na diferente school, clubnan juvenil y freelance. Su deseo ta pa un dia bolbe Aruba y aki tambe pasa su conocimiento pa muchanan y juventud riba tereno musical.

DESPACHO DI MINISTRO BEKE TA CONTENTO CU PROPOSICION DI PARLAMENTO SEÑORA MARY WEVER

ORANJESTAD(AAN): For di coordinadora di Ministro Beke, señora Ruth Lejuez, DIARIO a haya un comunicado den cual nan ta apoya un proposicion cu a worde haci relaciona cu "Warenwet".

Relaciona cu e articulo cu a sali den La Prensa riba 29 di december 1995, caminda parlamentaria señora Mary Wever ta entrega un proyecto di Ley riba "Warenwet", nos di despacho di Ministro Lili Beke, ta masha contento cu tin mas hende ta preocupa nan mes cu e forma con alimentacion ta worde ofreci na e consumidor, sin ningun clase di control, especialmente p.e. fecha di ven-

cimento.

Nos ta comparti opinion di señora Mary Wever cu e honestidad di e comerciante ta hopi importante den esaki.

Nos tin cu remarca si cu despacho di Ministro Beke, cu ta encarga cu Salubridad Publico tambe ta trahando riba un "Warenwet" hunto cu hopi otro Leynan den Salubridad Publico cu ta masha antigua y cu sigur mester worde actualiza.

Fundacion Cas tambe ta haciendo lo maximo pa hiba un control den e establecimentonan y nos ta completamente di acuerdo cu e honestidad y colaboración di tur comerciante ta di suma importancia.

Cristal Clear Education

L.G.Smith Boulevard 116
Telephone: 29440 Fax: 29760

Using Computers

Introduccion, Hardware, MS-DOS, Windows, etc.
Prijs: Afl 250.00

Advanced Windows

Control Panel, Accessories File Manager, etc.
Prijs: Afl 350.00

Using Lotus 1-2-3

Introduccion, spreadsheet usage, save, printing, etc.
Prijs: Afl 250.00

Using WordPerfect

Introduccion wordprocessing formatting, editing, printing
Prijs: Afl 250.00

Using Excel

Introduccion, spreadsheet usage, save, printing, etc.
Prijs: Afl 250.00

Using Windows 95

Basic and intermediate level Of this recent operating sys.
Prijs: Afl 350.00

Curso di computer pa jovennan SUPERLOGO

Prijs Afl. 125.00 pa luna